

Broj: 05-02-4-1974/23
Mostar, 31.01.2024. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM
n/r Ivan Miličević, sekretar
n/r Mirza Čelik, poslanik

Primljeno: 27-02-2024			
Org. jed.	Broj	Priloga	Vrijednost
05/1	- 02 -	521	23

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
Generalni sekretarijat Vlade Federacije Bosne i Hercegovine
n/r g-đa Edita Kalajdžić, sekretar Vlade

PREDMET: Poslaničko pitanje, odgovor – dostavlja se

Poštovana,

U prilogu akta Vlade Federacije Bosne i Hercegovine broj: 03-04-1406-30/2023 od 05.12.2023. godine, ovom Ministarstvu je dostavljen akt Predstavničkog doma Parlamenta Federacije Bosne i Hercegovine broj: 05/1-02-521/23 od 04.12.2023. godine, kojim je Vladi Federacije Bosne i Hercegovine dostavljeno, na nadležno postupanje, poslaničko pitanje koje je na 7. redovnoj sjednici Predstavničkog doma Parlamenta Federacije Bosne i Hercegovine, postavio poslanik Mirza Čelik.

Poslaničkim pitanjem se traži odgovor **citiram**: "Obzirom da smo usvojili novi Zakon o električnoj energiji i obzirom da lokalne zajednice i javne ustanove i javna komunalna preduzeća i javne zdravstvene ustanove i sve ostale ustanove trebaju da potpišu novi ugovor o isporuci električne energije a znamo da su izgubili status krajnjeg kupca električne energije na javnoj usluzi snabdjevanja pa sam ja napravio jednu analizu lokalna zajednica općina Olovo je dobila i ponudu od Elektroprivrede i s tim u vezi mjerno mjesto u zgradi općine će odnosno ponuda i račun iz desetog mjeseca će biti u razlici od 250 % skuplje električne energije. Takođe za mjerna mjesta električne odnosno javne rasvjete u iznosu od 97 % će biti povećanje i smatram da je potrebno pokrenuti izmjene i dopune ovakvog zakona obzirom da se radi o lokalnim zajednicama ili naći sredstva u Nacrtu odnosno Prijedlogu Budžeta za narednu godinu kako bi se obeštatile općine odnosno javne ustanove i javna komunalna preduzeća." – kraj citata.

Uvažavajući dostavljeno pitanje obavještavamo Vas o sljedećem:

- Kao što Vam je poznato, Zakon o električnoj energiji Federacije Bosne i Hercegovine (u daljnjem tekstu: Zakon) je prošao redovnu proceduru donošenja. Napomene radi, Parlament Federacije Bosne i Hercegovine je na sjednici Predstavničkog doma održanoj 27.07.2022. godine i sjednici Doma naroda održanoj 28.07.2022. godine donio Zaključke o prihvatanju Nacrta Zakona o energiji i regulaciji energetske djelatnosti u FBiH, Nacrta Zakona o električnoj energiji FBiH i Nacrta Zakona o korištenju obnovljivih izvora energije i efikasne kogeneracije te naložio održavanje javnih rasprava o ovim zakonima, a u vezi predmetnog Zakona, Zaključkom Predstavničkog doma Parlamenta Federacije Bosne i Hercegovine broj: 01-02-1373/22 od 27.07.2022. godine i Zaključkom Doma naroda Parlamenta Federacije Bosne i Hercegovine broj: 02-02-1373/22 od 28.07.2022. godine održavanje javne rasprave o nacrtu Zakona. Obzirom na važnost predloženog seta zakona iz sektora energije, Ministarstvo se opredijelilo za održavanje četiri usmene javne rasprave, kako slijedi:

 - dana 18.08.2022. godine u 11:00 sati, u Sarajevu, u prostorijama Privredne/gospodarske komore FBiH, Branislava Đurđeva 10, Sarajevo,
 - dana 19.08.2022. godine u 11:00 sati, u Tuzli, u prostorijama Privredne komore Tuzlanskog kantona, Trg slobode b.b., Tuzla,
 - dana 22.08.2022. godine u 11:00 sati, u Mostaru, u prostorijama Ureda Privredne/gospodarske komore FBiH, Kneza Domagoja 12, Mostar,
 - dana 23.08.2022. godine u 11:00 sati, u Zenici, u prostorijama Privredne komore Zeničko-dobojskog kantona, ul. Mehmedalije Tarabara 15, Zenica.

Nadalje, Zakon je upućen i na mišljenje **Savezu općina i gradova Federacije Bosne i Hercegovine**, te nije bilo dodatnih značajnih komentara, a posebno u dijelu koji se tiče tematike koju obrađuje poslaničko pitanje.

Napominjemo da je Vlada Federacije Bosne i Hercegovine donijela Odluku o uvođenju posebnih mjera kontrole cijena snabdijevanja električnom energijom za 2024. godinu ("Službene novine Federacije BiH", broj 96/23), kojom je, između ostalog, ograničila povećanje cijena snabdijevanja električnom energijom za krajnje kupce do 20% maksimalno u odnosu na prethodnu godinu, pri čemu se isto odnosi na ugovore koji se zaključuju na period do 31.12.2024. godine.

Što se tiče primjene odredbi člana 6. stav (1) tačka w) i člana 52. stav (1) tačku mm) Zakona, tj. pitanja malih kupaca, obavještavamo Vas da je ovo Ministarstvo organizovalo sastanak na kojem je dogovoreno da dva elektroprivredna društva tj. operatori distributivnih sistema trebaju, između ostalog, najkasnije do 31. marta tekuće godine, utvrditi listu kupaca koji imaju status malog kupca električne energije, te nakon izvršavanja svih aktivnosti u skladu sa članom 52. stav (1) tačka mm) Zakona, sinhronizirano krenuti u primjenu Zakona, a što se tiče novih korisnika u okviru usluge tržišnog snabdjevanja.

Također napominjemo da je u skladu sa članom 6. stav (1) tačka u) propisano da krajnji kupci od posebnog društvenog značaja označavaju subjekte čiji su objekti priključeni na distributivni sistem električne energije napona nižeg od 1 kV i koji obavljaju djelatnosti i poslove odgojno-obrazovnih, humanitarnih, socijalnih, vjerskih ustanova, organizacija i udruženja, poslove zapošljavanja i smještaja posebnih kategorija lica i druge poslove od posebnog društvenog značaja koje odlukom odredi Regulatorna komisija za energiju u Federaciji Bosne i Hercegovine (u daljnjem

tekstu: Regulatorna komisija), te da Regulatorna komisija za energiju, u skladu sa Zakonom o energiji i regulaciji energetske djelatnosti, djeluje nezavisno od bilo kojeg tržišnog interesa i ne smije primati instrukcije od organa izvršne vlasti, energetske subjekata i korisnika njihovih proizvoda i usluga, kao i drugih pravnih i fizičkih lica. Uvažavajući navedeno, ovo Ministarstvo nije u mogućnosti niti uticati na odluku Regulatorne komisije kojom se utvrđuju drugi poslovi od posebnog značaja.

Ovo Ministarstvo podržava svaku inicijativu za izmjenama i dopunama zakona, a koja bi dovela do efikasnije provedbe ili boljeg normiranja materije koju obrađuju zakoni, međutim, prihvatanjem ovakve inicijative desio bi se korak unazad u dijelu preuzimanja obaveza iz EU direktiva kojima se Bosna i Hercegovina obavezala potpisivanjem Ugovora o uspostavi energetske zajednice a koje su inkorporirane u predmetni Zakon.

S poštovanjem,



MINISTAR

Medran Lakić

Dostaviti:

- Naslovu
- 05
- a/a